

〔類聚三代格三〕太政官符

應五畿內七道諸國轉讀金剛般若經事

右被右大臣宣旨奉為崇道天皇令永讀件經者宜使國分僧春秋二仲月別七日存心奉讀之經并僧數附朝集使言上其布施者三寶調綿十屯衆僧各調布一端自今以後立為恒例

延曆廿五年三月十七日○又見二日本後紀一

〔扶桑略記拔萃〕大同元年十一月□□□□天皇於山階地建立伽藍號入島寺勅入利稻三□□

□每年下行之又五畿七道諸國每郡各々立別倉每年積正稅稻之上分郡別卅一束是則奉為崇道天皇所納置也○又見三水鏡一

〔延喜式主稅二十六〕諸國出舉正稅公廩雜稻

大和國○中靈安寺料四千束八嶋寺料一萬束

〔類聚國史帝王二十五〕大同五年七月乙丑度一百三十人奉為崇道天皇一百人○中 丁卯奉為崇道天

皇於川原寺奉寫法華經一部

〔類聚三代格七〕太政官符

應修理正倉事

右案太政官去延曆廿四年四月四日符傳右大臣宣奉勅奉為崇道天皇諸國造正倉收納正稅者仍須國司掾已上一人專當其事郡別造倉納稻卅束其造物准納物數所須料者宜用正稅者今被正三位行中納言兼左兵衛督陸奧出羽按察使藤原朝臣良房宣旨奉勅件倉若有損失者隨即修造自外之事一依前符

承和九年二月廿五日

〔三代實錄七〕貞觀五年五月廿日壬午於神泉苑修御靈會○中所謂御靈者崇道天皇○中等是也